

水經注箋卷第三十九

漢 桑 欽撰

後魏 酈道元



明 李長庚訂

孫汝澄

朱謀埠箋

李克家全校

匯水

深水

鍾水

耒水

沫水

漉水

瀏水

湏水

贛水

廬水

匯水出桂陽縣廬聚

水出桂陽縣西北上驛山廬溪為廬溪水東南流

逕桂陽縣故城謂之匯水地理志曰匯水出桂陽

水經注箋

卷三十九

南至四會是也匯水又東南流出桂陽南至四會

是嶠之溪溪水下流歷峽南出是峽謂之貞女峽

峽西岍高巖名貞女山山下際有石如人形高七

尺狀如女子故名貞女峽古來相傳有數女取螺

於此遇風雨晝晦忽化為石斯誠巨異難以聞信

但啓生石中摯呱空桑抑斯類矣物之變化寧以

理求乎

隨巢子淮南子並云禹娶塗山氏治瀉水通轅轅山化為熊塗山氏見之慙而去至

嵩高山山下化為石禹曰歸我子石破北方而生啓

李彤四部云嵩山南有啓母祠郭景純云陽城西有啓母石也呂覽云有佚氏女子採桑得嬰兒

於空桑之中命曰伊尹孫子兵書云伊尹名摯 水又合漚水漚水又東南入陽山縣右合漚口水

源出縣西北一百二十里石塘村村之流水側有  
豫章木本逕可二丈其株根猶存伐之積載而斧  
跡若新羽族飛翔不息其傍衆枝飛散遠集鄉亦  
不測所如唯見一枝獨在含漚水矣漚水東南流  
注于漚漚水又東南流而又與斟水合水導源近  
出東巖下穴口若井一日之中十溢十竭信若潮  
流而注漚水漚水又南逕孫安漢志桂陽郡有含漚縣南逕下疑說含漚  
二縣故城西者舊傳曰往昔縣長臨縣輒遷擢超  
級大史逕觀言摯摯字似誤音作城勢使然掘斷連岡流血  
成川城因傾陲遂卽傾敗閣下大鼓飛上臨武乃

水經注箋

卷三十九

二

三百八十

之桂陽追號聖鼓自陽山達乎桂陽之武步驛所  
至循聖鼓道也其道如塹迄于鼓城矣漚水又逕  
陽山縣南縣故含漚縣之桃鄉孫皓分立爲縣也  
漚水又南東流也

東南過含漚縣

應劭曰漚水東北入沅瓚注漢書沅在武陵去漚  
遠又隔湘水不得入沅漚水東南左合翁水水出  
東北利山湖湖水廣圓五里潔踰凡水西南流注  
于漚謂之翁水口口已下東所有聖鼓枝卽陽山  
之鼓枝也橫在川側雖衝波水宋本作所激未嘗移動

百鳥翔鳴莫有萃者船人上下以蒿種者當作篙  
輒有瘧疾漚水又東南左合陶水東出堯山山盤  
紆數百里有赭嵒迭起冠以青林與雲霞亂采山  
上有白石英山下有平陵有大堂基者舊云堯行  
宮所陶水西逕縣北右注漚水漚水又逕含漚縣  
西王歆始興記曰縣有白鹿城城南有白鹿岡咸  
康中郡民張魴爲縣有善政白鹿來游故城及岡  
並卽名焉

南出漚浦關爲桂水

關在中宿縣漚水出關右合溱水謂之漚口山海

水經注箋

卷三十九

二一

三百四

經謂之漚水徐廣曰漚水一名漚水出桂陽通四  
會亦曰漚水也漢武帝元鼎元年路博德爲伏波  
將軍征南越出桂陽下漚水卽此水矣桂水其別  
名也

深水出桂陽盧聚

呂忱曰深水一名邃水導源盧溪西入營水亂流  
營波同注湘津許慎云深水出桂陽南平縣也經  
書桂陽者縣也本隸桂陽郡後割屬始興縣有盧  
溪盧聚山在南平縣之南九疑山東也

西北過零陵營道縣南又西北過營浦縣南又西北

過泉陵縣西北七里至燕室邪入于湘

水上有燕室丘亦因為聚名也其下水深不測號

曰龍泉

鍾水出桂陽南平縣都山

宋本作部山

北過其縣東又東

北過宋渚亭又北過鍾亭與雞水合

部山即部龍之嶠也五嶺之第三嶺也鍾水即嶠

水也庾仲初曰嶠水南入始興灌水注于海北入

桂陽湘水注于江是也雞水即桂水也雞桂聲相

近故字隨讀變經仍其非矣桂水出桂陽縣北界

山山壁高聳三面特峻石泉懸注瀑布而下北逕

水經注箋

卷三十九

四

三四十四

南平縣而東北流屆鍾亭右會鍾水通為桂水也

故應劭曰桂水出桂陽東北入湘

又北過魏寧縣之東又東北入于湘

魏寧故陽安也晉太康元年改曰晉寧縣在桂陽

郡東一百二十里縣南西二面岨帶清溪桂水南

宋本作無出縣東理蓋縣邑流移今古不同故也

耒水出桂陽郴縣南山

耒水發源出汝城縣東烏龍白騎山西北流逕其

縣北西流三十里中有十四瀨各數百步濬流奔

急竹節相次亦為行旅滍涉之艱難又西北逕

晉寧縣北又西左合清溪水口水出縣東黃皮山西南流歷縣南又西北注于耒水汝縣在郡東三百里餘山又在縣東耒水無出南山理也又北過其縣之西

縣有綠水出縣東侯公山西北流而南屈注于耒謂之程鄉溪郡置酒官醞於山下名曰程酒獻同

鄴也

荆州記云長沙郡鄴縣有鄴湖周廻三千里取湖水為酒酒極甘美又詳本卷鄴縣注

耒

水又西黃水注之水出縣西黃岑山山則騎田之嶠五嶺之第二嶺也黃水東北流案盛弘之云衆山水出注于大溪號曰橫流溪溪水甚小冬夏不

水經注箋

卷三十九

五

四百廿七  
文演

乾俗亦謂之為貪泉飲者輒冒於財賄同於廣州石門貪流矣廉介為二千石則不飲之昔吳隱之挹而不辭貪豈謂能汗其真乎蓋亦惡其名也

晉安

帝紀云吳隱之為廣州刺史界有一水名貪泉古老言飲此水者廉士皆貪隱之始踐其境酌水飲之因賦詩曰古人云此水一飲懷千金若使夷齊飲終當不易心清操逾厲劉澄之謂

為一涯溪通四會殊為孟浪而不悉也庾仲初云嶠水南入始與孫云當作始與溱水注海即黃岑水入武

溪者也北水入桂陽湘水注于大江即是水也又側千秋水注之水出西南萬歲山山有石室室中有鐘乳山上悉生靈壽木溪下即千秋水也水側

民居號萬歲村其水下合黃水黃水又東北逕其縣東右合其宋本作除泉水水出縣南湘陂村村有圓

水廣圓可二百步一邊暖一邊冷冷處極清綠淺則見石深則見底暖處水白且濁玄素既殊涼暖

亦異厥名除泉其猶江乘之半湯泉也江乘地記云縣東南

三十五里有湯泉半冷半溫共同一壑謂之半湯泉水盛則瀉黃溪水耗則

津徑輟流郴舊縣也桂陽郡治也漢高帝二年分

長沙置地理志曰桂水所出因以名也王莽更名

南平縣曰宣風項羽遷義帝所築也縣南有義帝

冢內有白虎因呼為白虎郡東觀漢記曰茨充字

水經注箋 卷三十九 六 四百四十二 演

子何為桂陽太守民惰懶少鹿當作驪履足多剖裂

茨教作履今江南知織履皆充之教也齊民要術云茨充為

桂陽令俗不種桑無蠶織絲麻之利類皆以麻梟頭貯衣民惰懶少麓履足多剖裂血出盛冬皆焚燎炙充教民益種桑柘養蠶織履履復令種苧麻數年之間大類其利黃溪東有馬嶺

山高六百餘丈廣圓四十許里漢末有郡民蘇耽

栖遊此山桂陽列僊傳云耽郴縣人少孤養母至

孝言語虛無時人謂之癡常與眾兒共牧牛更直

為帥錄牛無散每至耽為帥牛輒徘徊左右不逐

自還眾兒曰汝直牛何道不走耶耽曰非汝曹所

知即面辭母云受性應僊當違供養涕泗又曰年

將大疫歿者略半穿二井飲水可得無恙如是有  
哭聲甚哀後見耽乘白馬還此山中百姓為立壇

祠民安歲登民因名為馬嶺山

無恙以下有缺文今按洞神傳云耽

初去時云今年大疫死者略半家中井水飲之無恙果如所言闔門元吉母年百餘歲終鄉人共葬之聞山上有人哭聲服除乃止神仙傳云耽母既終葬後州東北牛脾山紫雲蓋上有號哭聲知蘇君之神也因見白馬常在嶺上遂改牛脾山為白馬嶺

黃水又北流注于耒

水謂之榔口耒水又西逕華山之陰亦曰華石山孤峰特聳枕帶雙流東則黃溪耒水之交會也耒水東流沿注不得北過其縣西也兩岨連山石泉懸溜行者輒徘徊留念情不極已也

水經注箋

卷三十九

七

四百四十四

又北過便縣之西

縣故惠帝封長沙王子吳淺為侯國王莽之便屏也縣界有溫泉水在榔縣之西北左右有田數十畝資之以漑常以十二月下種明年三月穀熟慶此水冷不能生苗溫水所漑年可三登其餘波散流入于耒水也

又西北過耒陽縣之東

耒陽舊縣也蓋因水以制名王莽更名南平亭東傍耒水水東肥南有郡故城縣有漢水東出侯計山其水清澈冬溫夏冷西流謂之肥川川之北石

盧塘塘池八頃其深不測有大魚常至五月輒一奮躍水湧數丈波襄四陸細魚奔途隨水登岸不可勝計又云大魚將欲鼓作諸魚皆浮聚水側往

當作注西北逕蔡洲洲西即蔡倫故宅傍有蔡子池

倫漢黃門郎順帝之世擣故魚網為紙用代簡素

自其始也盛弘之荊州記云棗陽縣百許步蔡倫宅其中具存其傍有池名蔡子池倫漢

順帝時人始以魚網造紙縣人今猶多能作紙蓋倫之遺業也東觀漢記云黃門蔡倫作尚方作紙

所謂蔡侯紙是也

### 又北過鄴縣東

縣有鄴湖湖中有洲洲上民居彼人資以給釀酒

水經注卷三十九 八 一百七十

甚醇美謂之鄴酒歲常貢之湖邊尚有鄴縣故治

此西北去臨承縣一十五里從省隸十三州志曰

大別水南出耒陽縣太山北至鄴縣入湖也

### 北入于湘

耒水西北至臨承縣而右注湘水謂之耒口也

### 洙水出茶陵縣上鄉西北過其縣西

水出江州安城郡廣興縣太平山西北流逕茶陵

縣之南漢武帝元朔四年封長沙定王子節侯訢

之邑也王莽更名聲鄉矣洙水又屈而過其縣西

北流注也地理志謂之泥水者也



又西北過攸縣南

攸水出東南安城郡安復縣封侯山西北流逕其縣北縣北帶攸溪蓋卽溪以名縣也漢武帝元朔四年封長沙定王子則爲攸輿侯卽地理志所謂攸縣者也攸水又西南流入茶陵縣入于沫水也又西北過陰山縣南

縣本陽山縣也縣東北猶有陽山故城卽長沙孝王子宗之邑也言其勢王故塹山堙谷改曰陰山縣縣上有容水自侯曇山下注沫水謂之容口沫水又西北逕其縣東又西逕歷口縣有歷水水有

水經注箋

卷三十九

九

洛三百七十一

大穴容一百石出於此水因以名曰容水下注

脫

沫水謂之歷口沫水又西北與洋湖水會水出縣

西北樂藪置不孫云當作岡下洋湖湖去置七里湖水下

注沫謂之洋湖口沫水東北有峨山縣東北又有武陽龍尾山並僊者羽化之處上有僊人及龍馬跡於其處得遺咏雖神栖白雲屬想芳流藉念泉鄉遺味在茲覽其餘誦依然息遠匪直邈想霞蹤愛其文咏可念故端牘抽札以詮其咏其略曰登武陽觀樂藪峨嶺千蕤洋湖口命蜚螭駕白駒臨天水心踟躕千載後不知如蓋勝賞神鄉乃情超

拔矣

又西北入于湘

澧水出醴陵縣東澧山西過其縣南

醴陵縣高后四年封長沙相侯越為國縣南臨淶

水水東出安城鄉翁陵山余謂澧淶相近後人藉

便以淶為稱雖翁陵名異而即麓是同

屈從縣西西北流至澧浦注入于湘

瀏水出臨湘縣東南瀏陽縣西北過其縣東北與澆

溪水合

瀏水出縣東江州豫章縣首禪山導源西北流逕

水經注箋

卷三十九

十

洛二百三十

其縣南縣平

宋本作馮

溪以即名也又西北注于臨湘

縣也

西入于湘

潁水出豫章艾縣

春秋左氏傳曰吳公子慶忌諫夫差不納居于艾

是也王莽更名治翰

西過長沙羅縣西

羅子自枝江徙此世猶謂之為羅侯潁水又西流

積而為陂謂之町湖也

又西累石山入于湘水

累石山在北亦謂之五木山山方尖如五木狀故

俗人藉以名之

五木者樛蒲之戲也李翱五木經云樛蒲五木玄白判厥二作雉背

雉作牛注云樛蒲古戲其投有五以木為之故呼五木晉書云劉毅於東府聚樛蒲一擲應至數百萬餘劉裕按五木久之四子俱黑其一子轉躍未定裕厲聲叱之即成盧山在羅口北

涇水又在羅水南流注于湘謂之東町口者也

贛水出豫章南野縣西北過贛縣東

山海經曰贛水出聶都山東北流注于江入彭澤

西也班固稱南野縣彭水所發東入湖漢水庾仲

初謂大庾嶠水北入豫章注于江者也地理志曰

豫章水出贛縣西南而北入江蓋控引眾流總成

水經注箋

卷三十九

十一

四百五十七

一川雖稱謂有殊言歸一水矣故後漢郡國志曰

贛有豫章水雷次宗云似因此水為其地名雖十

川均流而此源最遠故獨受名焉

按雷次宗豫章記十川均流而

此源最遠所謂十川者贛廬牽淦盱濁餘鄱僚循為十也此源謂贛水也九水俱入于贛水諸本作北源劉澄之曰縣東南有章水西有貢水西是為

謬也縣治二水之間二水合贛字因以名縣焉劉

氏專以字說水而不知遠失其水實矣豫章水導

源東北流逕南野縣北贛川石岨水急行難傾波

委注六十餘里逕贛縣東縣即南康郡治晉太康

五年分廬江立豫章水右會湖漢水水出雩都縣

導源西北流逕金雞石其石孤竦臨水者老云時見金雞出于石上故石取名焉湖漢水又西北逕贛縣東西入豫章水也

又西北過廬陵縣西

廬陵縣即王莽之桓亭也十三州志曰稱廬水西

出長沙安復縣安復當作安成漢地志長沙安成縣有廬水東至廬陵入湖漢莽曰

用成武帝元光六年封長沙定王子劉蒼為侯國即

王莽之用成也吳寶鼎中立以為安城郡東至廬

陵入湖漢水也

又東北過石陽縣西

水經注箋

卷三十九

十一

三百七十六

漢和帝永平九年分廬陵立漢獻帝初平

一作二興平

年吳長沙桓王立廬陵郡治此豫章水又逕其郡

南城中有井其水色半清半黃黃者如灰汁取作

飲粥悉皆金色而甚芬香

異物志云廬陵城中有一井中有二色水半青

半黃黃者灰汁取作糜粥皆作金色土人名灰汁為金因名為金井

又東北過漢平縣南又東北過新淦縣西

牽水西逕

宋本作出

宜春縣漢武帝元光六年封長沙

定王子劉成為侯國王莽之循曉也牽水又東逕

吳平縣舊漢平也晉太康元年改為吳平矣牽水

又東逕新淦縣即王莽之偶亭而注于豫章水湖

漢及贛並通稱也又淦水出其縣下注于贛水孫按漢志豫章郡新淦縣注應劭曰淦水所出西入湖漢

又北過南昌縣西

盱水出南宮縣西北流逕南昌縣南西注贛水又

有濁水注之

孫云南宮當作南城按漢志南城縣注盱水西北至南昌入湖漢又建成

縣注云蜀水東至南昌入湖漢

水出康樂縣故陽樂也濁水又東

逕望蔡縣縣因汝南上蔡民萍居此土晉太康元

年改爲望蔡縣濁水又東逕建成縣漢武帝元光

四年封長沙定王子劉拾爲侯國王莽更名之曰

多聚也縣出然石異物志曰石色黃白而理疎以

水經注箋

卷三十九

十三

四百一

水灌之便熱以鼎著其上炊足以熟置之則冷灌

之則熱如此無窮元康中雷孔章入洛賫石以示

張公張公曰此謂然石於是乃知其名濁水又東

至南昌縣東流入于贛水贛水又歷白社西有徐

孺子墓吳嘉禾中太守長沙徐熙於墓隧種松太

守南陽謝景於墓側立碑永安中太守梁郡夏侯

嵩於碑傍立思賢亭松大合抱亭世修治至今謂

之聘君亭也贛水又北歷南塘塘之東有孺子宅

際湖南小洲上孺子名稚南昌人高尚不仕太尉

黃瓊辟不就桓帝問尚書令陳蕃徐稚袁閔誰爲

先後蕃荅稱袁生公族不鏤自雕至於徐稚傑出  
薄域故宜為先桓帝備禮徵之不至

後漢書桓帝問陳蕃曰徐

穉袁閎韋著孰為後先蕃對曰閎生出公族聞道漸訓著長於三輔禮義之俗所謂不扶自植不鏤自雕至於穉者爰自江南卑薄之域而角立傑出宜當為先太原郭林宗有母

憂稚往弔之置生芻於廬前而去衆不知其故林

宗曰必孺子也詩云生芻一束其人如玉吾無德

以堪之年七十二卒贛水又逕谷鹿州舊作大編

處

北堂書鈔云豫章城西南有舸舫洲去度支步可二里是呂蒙作句鹿大編處埤按此谷鹿洲

舸舫船也音鈞鹿贛水又北逕南昌縣城西於

春秋屬楚即令尹子蕩師于豫章者也秦以為廬

江南部漢高祖六年始命灌嬰以為豫章郡治此

即灌嬰所築也王莽更名縣曰宜善郡曰九江焉

劉歆云湖漢等九水入彭蠡故言九江矣陳蕃為

太守署徐稚為功曹蕃在郡不接賓客唯稚來特

設一榻去則懸之此即懸榻處也建安中更名西

安晉又名為豫章城之南門曰松陽門門內有樟

樹高七丈五尺大二十五圍枝葉扶疎垂蔭數畝

應劭漢官儀曰豫章郡樹生庭中故以名郡矣此

樹嘗中枯逮晉永嘉中一旦更茂豐蔚如初咸以

為中宗之祥也禮斗威儀曰君政訟平豫章常為

生太興中元皇果興大業於南故郭景純南郊賦云弊樟擢秀於祖邑是也以宣王祖為豫章故也

晉書宣帝曾祖量字公度官豫章太守

贛水北出際西北歷度支步

是晉度支校尉立府處步即水渚也贛水又逕郡

北為津步步有故守賈萌廟萌與安侯張普爭地

為普所害即日靈見津渚故民為立廟焉

太平御覽引安

成記云賈萌為豫章太守與安成侯張普爭境戰于新茨之野為普所害謝承漢書云賈萌為豫章

太守王莽篡漢舉兵誅莽不克而死

水之西岍有盤石謂之石頭津

步之處也西行二十里曰散原山

此作散原山而水經注二十七

卷內有云勢同厭原風雨之池則知此散字為誤也

疊嶂四周杳邃有趣晉

水經注箋

卷三十九

隆安末沙門竺曇顯建精舍於山南僧徒自遠而

至者相繼焉西北五六里有洪井飛流懸注其深

無底舊說洪崖先生之井也北五六里有風雨池

言山高瀨激激著樹木樹木

宋本無此二字

霏散遠灑若

雨

御覽引豫章記云去洪井六七里有風雨池山橋水出激著樹木星散遠灑如風雨焉

西

有鸞岡洪崖先生乘鸞所憩泊也岡西有鵠嶺云

王子喬控鶴所逕過也有二崖

孫云當作二峰

號曰大蕭

小蕭言蕭史所遊萃處也雷次宗云此乃繫風捕

影之論據實本所未辨聊記竒聞以廣井魚之聽

矣又按謝莊詩莊常遊豫章觀井賦詩言鸞岡四

周有水謂之鸞陂似非虛論矣

謝莊豫章洪崖井詩云幽願平生積

野好歲月彌拾簪神區外整褐靈鄉垂林遠炎天隔山深白日虧遊陰騰鶴嶺飛清起鳳池隱曖松霞被容與澗煙移將遂丘中性結駕終在斯東太湖十里二百二十六

步北與城齊南緣迴折至南塘水通大江增減與

江水同漢永元中太守張躬築塘以通南路兼遏

此水冬夏不增減水至清深魚甚肥美每於夏月

江水溢塘而過居民多被水害至宋景平元年太

守蔡君西起隄開塘為水門水盛則閉之內多則

洩之自是居民少患矣贛水又東北逕王步步側

有城云是孫奮為齊王鎮此城之渚

吳志孫奮字子揚權仲姬

水經注箋

卷三十九

十六

明四百零七

之子也太元二年立為齊王居武昌權薨諸葛恪秉政徙奮豫章後以殺傅相謝慈等坐廢為庶人

太平二年封章安侯孫皓時被誅

今謂之王步蓋齊王之渚步也

郡東南二十餘里又有一城號曰齊王城築道相

通蓋其離宮也贛水又北逕南昌左尉廨西漢成

帝時九江梅福為南昌尉居此後福一旦捨妻子

去九江傳云得僊贛水又北逕龍沙西沙甚潔白

高峻而陲有龍形

北堂書鈔引豫章記云龍沙郡北帶江沙甚潔白高峻而陲有

龍形逕亘五里中舊俗九月九日升高處也昔有人

於此沙得故冢刻塼題云西去江七里半筮言其

吉卜言其凶而今此冢垂沒於水所謂筮短龜長



也左傳晉獻公欲以驪姬為夫人卜之不吉筮之吉公曰從筮卜人曰筮短龜長不如從長弗聽

立之生奚齊及卓子贛水又逕椒丘城下安四年孫策所

築也雷次宗豫章記云建安四年孫策破劉勲於潯陽欲謀取豫章太守華歆於郡下流一百

四十里臨江築椒丘城以備之贛水又歷釣圻邸閣下度支校尉

治太尉陶侃移置此也舊夏月邸閣前洲沒去浦

遠景平元年校尉豫章因運出之力於渚次聚石

為洲長六十餘丈洲裏可容數十舫贛水又北逕

鄒陽縣王莽之豫章縣也餘水注之水東出餘汗

縣王莽名之曰治干也餘水北至鄒陽縣注贛水

贛水又與鄱水合水出鄱陽縣東西逕其縣南武

水經注箋

卷三十九

陽鄉也地有黃金可采王莽改曰鄉亭孫權以建

安十五年分為鄱陽郡水又西流注于贛又有僚

水入焉其水導源建昌縣漢元帝永光二年分海

昏立僚水東逕新吳縣漢中平中立僚水又逕海

昏縣王莽更名宜生謂之上僚水又謂之海昏江

分為二水縣東津上有亭為濟渡之要其水東北

逕昌邑而東出豫章大江謂之慨口雷次宗豫章記昌邑城東

十三里縣列江邊名曰慨口出豫章大江之口也昔漢昌邑王之封海昏

也每乘流東望輒憤慨而還世因名焉其一水枝

分別注入于循水也

又北過彭澤縣西

循水出艾縣而東北逕豫章寧縣故西安也

漢地理志

豫章艾縣有脩水東北入湖此注作循誤也

晉太康元年更從今名循

水又逕

疑

東北逕永循縣漢靈帝中平二年立循

水又東北注贛水其水總納十川同溱

宋本一作溱

一瀆

俱注于彭蠡也

北入于江

大江南贛水總納洪流東西四十里而清潭遠漲

綠波凝淨而會注于江川

廬江水出三天子都北過彭澤縣西北入于江

水經注箋

卷三十九

十八

三百八十七

山海經三天子都一曰天子鄣王彪之廬山賦敘

曰廬山彭澤之山也雖非五嶽之數穹窿嵯峨實

峻極之名山也孫放廬山賦曰尋陽郡南有廬山

九江之鎮也臨彭蠡之澤按

宋本作接

平敞之原山圖

曰山四方周四百餘里疊鄣之巖萬仞懷靈抱異

苞諸僊迹豫章舊志曰廬俗字君孝本性匡父東

野王共鄱陽令吳芮佐漢定天下而亡漢封俗於

鄒陽曰越廬君俗兄弟七人皆好道術遂寓精於

洞庭之山故世謂之廬山漢武帝南巡觀山以為

神靈封俗大明公

御覽引此注云遂寓精爽於宮庭之山漢武帝南巡此山親觀

神靈封俗  
大明公

遠法師廬山記曰殷周之際匡俗先生

奚道僊人共遊此山時人謂其所止為神僊之廬

因以名山矣又按周景式曰廬山匡俗字子孝本

東里子出周武王時生而神靈屢逃徵聘廬於此

山時人敬事之俗後僊化空廬猶存弟子覩室悲

哀哭之旦暮同烏號世稱廬君故山取號焉斯耳

傳之談非實證也故豫章記以廬為姓因廬以氏

周氏遠師或託廬墓為辭假憑廬以託稱

憑廬似  
誤當作

憑虛本  
西京賦

二證既違三情互爽按山海經創志大禹

記錄遠矣故海內東經曰廬江出三天子都入江

水經注箋

卷三十九

十九

三百九十九

彭澤西是曰廬江之各山水相依互舉殊稱明不

因匡俗始正是好事君子強引此類用成章句耳

又按張華博物志曹著傳其神自云姓徐受封廬

山後吳猛經過山神迎猛猛語曰君王此山近六

百年符命已盡不宜久居非據猛又贈詩云仰矚

列僊館俯察王神宅曠載暢幽懷傾蓋付三益此

乃神道之事亦有換轉理難詳矣吳猛隱山得道

者也尋陽記曰廬山上有三石梁長數十丈廣不

盈尺杳然無底吳猛將弟子登山過此梁見一翁

坐桂樹下以玉杯承甘露漿與猛又至一處見數

人為猛設玉膏猛弟子竊一寶欲以來示世人梁  
即化如指猛使送寶還手牽弟子令閉眼相引而  
過其山川明淨風澤清曠氣爽節和土沃民逸嘉  
遜之士繼響窟巖龍潛鳳來之賢往者忘歸矣秦  
始皇漢武帝及太史公司馬遷咸升其巖望九江  
而眺鍾彭焉廬山之北有石門水水出嶺端有雙  
石高竦其狀若門因有石門之目焉水導雙石之  
中懸流飛瀑陶覽引此注作懸流飛瀑近三百許步下散漫千  
數步上望之連天若曳飛練於霄中矣下有磐石  
可坐數十人冠軍將軍劉敬宣每登陟焉其水歷

水經注箋

卷三十九

二十一

四百五十一

澗逕龍泉精舍南太元中沙門釋慧遠所建也其

水下入江南嶺即彭蠡澤西天子鄣也峰磴險峻

人跡罕及

晉廬山諸道人遊石門詩序云石門在精舍南十餘里一名障山基連大嶺體

絕衆阜關三泉之會並立而開流傾岩玄暎其上  
崇形表於自然故因以為名此雖廬山之一隅實  
斯地之奇觀皆傳之於舊俗而未親者衆將由懸  
瀨險峻人獸迹絕逕迴曲阜路阻行艱故罕經焉

嶺南有大道順山而下有若畫焉傳云匡先生所

遊

舊本作通

至江道巖上有宮殿故基者三以次而上

最上者極於山峰山下又有神廟號曰宮亭廟故

彭湖亦有宮亭之稱焉余按爾雅云大山曰宮宮

之為名蓋起於此不必一由三宮也山廟甚神能

分風擘流住舟遣使行旅之人過必敬祀而後得  
去故曹毗詠云分風爲貳擘流爲兩昔吳郡太守  
張公直自守徵還道由廬山子女觀祠婢指女戲  
妃像人其妻夜夢致聘怖而遽發明引中流而舩  
不行合舩驚懼曰愛一女而合門受禍也公直不  
忍遂令妻下女於江其妻布席水上以其亾兄女  
代之而舩得進公直方知兄女怒妻曰吾何面於  
當世也復下已女於水中將渡逕見二女於岸側  
傍有一吏立曰吾廬君主簿敬君之義悉還二女  
故于寶書之於感應焉山東有石鏡照水之所出

水經注箋

卷三十九

二十一

三百九十七

照水未詳

有一圓石懸崖明淨照見人形晨光初曜則

延曜入石豪細必察故名石鏡焉又有二泉常懸

注若白雲帶山廬山記曰白水在黃龍南卽瀑布

也水出山復

宋本作山腹

挂流三四百丈飛湍林表望

若懸素注處悉巨井其深不測其水下入江淵廬

山之南有上霄石高壁緬然與霄漢連接秦始皇

三十六年嘆斯嶽遠遂記爲上霄焉上霄之南大

禹刻石誌其丈尺里數今猶得刻石之號焉湖中

有落星石周廻百餘步高五丈上生竹木傳曰有

星墜此因以名焉又有孤石介立大湖中周廻一

里竦立百丈轟然高峻特爲瓌異上生林木而飛禽罕集言其上有玉膏可采所未詳也耆舊云昔禹治洪水至此刻石紀功或言秦始皇所勒然歲月已久莫能辨之也